




357.



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 357 8° (LN 776)







Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 357 8° (LN 776)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 357 8° (LN 776)



Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
Hielmst. 357 8° (LN 776)



DA-150X

N<sup>o</sup> 357.



*St. Tuckers fort*



= LN 776



357.  
ASSERTIONES  
DE  
PROHIBITIONE  
IMAGINVM ET  
*idolorum propositæ in  
disputationem.*

à  
Nicolao Hemmingio,  
*in Septemb.*  
Anno 1568.




HAFNIÆ,  
Excudebat Laurentius  
Benedictus  
1568.



RESERVATIONES  
DE  
PROHIBITIONE  
NE IMAGINUM ET

colorum propriis in  
disputationibus.

Nicolaus Hemmingius  
in 8. p. 16.  
anno 1562.



in  
deo  
sub  
en

mu  
ten  
mi  
diu  
exp  
tus  
pore  
fieri  
dell



1.



**LEX DOMINI** Exo-  
di 20. hæc est: Non faci-  
es tibi sculptile, neque om-  
nem similitudinem, quæ est  
in cælo desuper, & quæ est in terra  
deorsum, nec eorum quæ sunt in aquis  
sub terra. Non adorabis ea. Ego sum  
enim Dominus Deus tuus.

2.

Tria hac lege prohibentur. Pri-  
mum, ne Deum vlla effigie exprimere  
tentemus. Effigies enim Dei manu ho-  
minis expressa, cedit in contumeliam  
diuinæ maiestatis. Nam cum Deus sit  
expers corporis, inuisibilis & infini-  
tus: & effigies omnis ex materia cor-  
porea sit, visibilis, & terminis clausa:  
fieri non potest sine contumelia Dei,  
velle effigiem Dei manu exprimere.

A 2

Se.



3.

Secundum quod prohibetur, est ne incuruemus nos coram vlllo idolo religionis causa. Nam cum ex duplici natura compositi sumus, anima & corpore, vtrunq; debemus Deo, vtz cultum interiorem animæ, & exteriorem corporis.

4.

Qui ergo corpore prosternit se coram idolis religionis ergò, inuertit naturæ ordinem, subijciens se infra creaturas. Deinde sacrilegium committit, tribuens creaturæ cultum, qui soli creatori debetur.

5.

Tertium quod hac lege prohibetur, est ne animoingas tibi Deum, qui non est deus. Et ne animo neges esse Deum, qui reuera est deus. Id quod & Ethnici



nici fecerunt, qui multitudinem deorum introduxerunt, & Hæretici, qui siue circa diuinitatis essentiam, siue circa personarum distinctionem, siue circa voluntatem diuinæ maiestatis errauerunt.

## 6.

Cur autem Diabolus inuexerit idola in mundum, & quæ fuerit eorum prima occasio, Sap: 14. exponitur, ita enim ait Sapiens.

## 7.

In opificio Dei ad abominationem sunt deformata Simulachra, ad offensionem animis hominum, ad laqueum pedibus insipientum iniiciendum.

## 8.

Initium enim scortationis (id est idololatriæ) excogitatio simulachrorum est, atq; eorundem inuentio, Vitæ

A 3

coro



corruptela. Neque enim ab initio  
erant, neque in æternum erunt. Quippe  
hominum ambitione in mundum sunt  
introduc̃ta.

9.

Cum his consentiunt multæ pro-  
phetarum conciones, quæ abominati-  
onem idolorum extremè damnant, vt  
quæ homines paulatim à vero Deo  
abducant.

10.

Quid dico de prophetis? Imo &  
Ethnici saniores simulachra Deorum  
abominati sunt.

11.

Numa ( vt Plutarchus refert )  
prohibuit Romanos existimare imagi-  
nem Dei, aut hominis speciem, aut ani-  
malis habere formam, propterea nefas  
esse putabat, deterioribus meliora assi-  
milare,



milare, nec aliter posse Deum percipi  
quàm intelligentia.

12.

Varro acutissimus atq; doctissimus author (teste Aug:) dicit antiquos Romanos plusquàm annos 170. Deos sine simulachro coluisse. Quòd si adhuc (inquit) mansisset, castius Dij obseruarentur. Cuius sententiæ suæ testem adhibet inter cætera gentem Iudæam. Nec dubitat eum locum ita concludere, vt dicat. Qui primi simulachra Deorum populis posuerunt, eos ciuitatibus suis & metum dempsisse, & errorem addidisse.

13.

Ante annum domini 427. Sancti patres qui doctrinam sine pontificijs corruptelis retinuerunt, nulla planè  
Simu-



*Simulachra in templis Christianorum  
esse permiserunt. Sciuerunt quanti  
damni occasionem olim præbuisſent Si-  
mulachra.*

14.

*Verùm posterior ætas paulatim  
deficiens à puritate doctrinæ, imagi-  
nes & simulachra inuexit in ecclesi-  
am, non sine magna & imperiorum  
ruina, & veræ religionis iactura.*

15.

*Etsi autem consilium eorum, qui  
primum pinxerunt imagines in templis  
Christianorum, non fuit peſſimum:  
Tamen procedente tempore error auc-  
tus est, & idololatria per Romanos  
pontifices contra græcos est defenſa.*

16.

*Et tandem eò perducta est res, quòd  
præcipua pars cultus diuini collocata  
fuerit*



*fuerit in cultura simulachrorum: Id  
quod in regno antichristi videre est.*

17.

*Porro ne quis artem pingendi &  
sculpendi prohibitione imaginum &  
idolorum damnari existimet, conferat  
legem prohibitionis cum alijs præcep-  
tis, & exemplis scripturæ, quibus ali-  
quæ imagines, & simulachra appro-  
bantur.*

18.

*Mandatum Dei est Exod. 25.  
Duos cherubim aureos facies ex utraq;  
parte propitiatorij. Fuerunt autem  
Cherubim alatæ imagines in quibus  
hominis species præualebat. Hos postea  
Solomon in suo templo curauit fieri, ad  
exemplar eorum qui fuerunt in taber-  
naculo.*

A 5

So



19.

Solomon in fabrica templi, bo-  
ues sculpi mandauerat. Ita enim le-  
gimus, 2. Paral. 4. Similitudo quoq;  
boum erat subter illud. Item duo  
ordines erant boum fusorum.

20.

Ex hoc mandato Dei, & ex  
emplo Solomonis efficitur, quòd ima-  
gines & simulachra non prohibe-  
antur ἀπλῶς & simpliciter: Sed  
secundum quid, vt loquuntur in Scho-  
lis.

21.

Prohibentur ergo tribus de  
causis. Prima, cùm rem non tantum  
non repræsentant, sed eius maie-  
statem lædunt. Vt cùm Deus pa-  
ter pingitur, cana barba, in capite  
gerens triplicatam coronam, more  
pa-



paparum : Secunda, cūm prostituuntur cultus ac venerationis causa, Ut in papatu, quem vsū prophetæ passim damnant : Tertia, ne sint idololatriæ occasiones, obscurata tempore doctrina, quemadmodum fieri consuevit.

## 22.

Porro cūm ex ijs quæ dicta sunt manifestum sit, non simpliciter prohiberi & damnari Simulachra, quæritur an possit aliquis esse vsus non impius Simulachrorum.

## 23.

Triples est in vniuersum imaginum & simulachrorum vsus, vcz supersticiosus typicus & politicus.

Super-



24.

*Superstitiosus vt contumeliosus  
in Deum & eius creaturas, solus dam-  
natur verbo Dei.*

25.

*Typicus vsus in veteri testamento  
fuit, vt rem aliquam diuinam sub ima-  
gine rei incurrentis in oculos adumbra-  
ret. Veluti aeneus serpens suspensus in  
deserto, adumbrabat Christum. Iohan.  
3. Hic vsus tantisper fuit licitus, donec  
populus ægyptio more eū adorare cœ-  
pit. Quod cum videret Ezechias rex  
pius (haud dubiè admonitus à sanctis  
Dei prophetis, quorum officium erat  
voce damnare istam idolomaniam) il-  
lum confregit, relinquens omnibus re-  
gibus & principibus exemplum, vt &  
ipsi tollant instrumenta idololatriæ, ne  
impediatur verus Dei cultus, & caue-  
ant*



357.  
ant ne posteris instrumenta relinquant  
impietatis.

26

Politicus vsus imaginum & simu-  
lachrorum est, cum sine superstitione  
pinguntur imagines, aut fiunt simula-  
chra alicuius utilitatis gratia.

27.

Est autem hic politicus vsus tri-  
plex vcz Historicus, Symbolicus, &  
ornatus causa inuentus. Hi donec  
manserint intra suos limites, nullo iure  
damnari possunt.

28.

Historicus vsus est, qui Historijs  
seruit, hoc est, qui ad intelligendas  
rectius rerum descriptiones, & ad me-  
moriā rerum conseruandam facit.  
Hic vsus & in libris, & alibi licitus  
est.

Sym.



29.

Symbolicus vsus, est qui de re alia  
quæ significatur imagine, tanquam  
Symbolo intuentes admonet. Vt ima-  
go in moneta Cæsaris admonebat iu-  
dæos, quòd Cæsari essent subiecti.  
Vnde Christus infert: Date ergo  
quæ sunt Cæsaris Cæsari: Est & hic  
vsus licitus, si non contaminatur  
aliunde.

30.

Ornatus causa inuentus vsus est,  
qui ornandi gratia sine superstitione  
adhibetur. Hic etiam concessus est,  
dummodo nulla superstitio acces-  
serit.

## QVÆSTIO.

Rectè ne fecit an non Ezechias  
rex, cùm esset civilis magistratus,  
quòd



357.  
quòd mandato Dei, erectum æneum  
serpentem contriuerit.





Handwritten text in a Gothic script, likely a title or heading, appearing as a mirror image (bleed-through) from the reverse side of the page.





357.